

ხელშეკრულება სახელმწიფო შესყიდვის შესახებ № (პროექტი)

ქ. რუსთავი

-- ----- 2021 წ.

ერთი მხრივ, ა(ა)იპ „ქალაქ რუსთავის საბავშვო ბაგა-ბაღების გაერთიანება“, წარმოდგენილი მისი დირექტორის, ეკატერინა ხუციშვილის სახით (შემდგომში - შემსყიდველი),

მისამართი: ქ. რუსთავი, კოსტავას გამზ. № 20;

საიდენტიფიკაციო კოდი: № 216439325

ტელეფონის ნომერი: 0341 24 11 30

საბანკო რეკვიზიტები: სახელმწიფო ხაზინა

ბანკის კოდი: TRESGE22

ანგარიშის ნომერი: GE24NB0330100200165022

და მეორე მხრივ, -----, წარმოდგენილი ----- სახით (შემდგომში - მომწოდებელი),
მისამართი:

საიდენტიფიკაციო კოდი: №

ტელეფონის ნომერი:

საბანკო რეკვიზიტები:

ბანკის კოდი:

ანგარიშის ნომერი:

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT-----) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. შესყიდვის ობიექტის დასახელება და შესაბამისი CPV კოდი

- 1.1. ხელშეკრულებით გათვალისწინებულ შესყიდვის ობიექტს წარმოადგენს: ორი სეზონისათვის (შემოდგომა, გაზაფხული) განკუთვნილი 10 (ათი) დღიანი სანიმუშო მენიუს დამზადება-მიწოდება (შემდგომში მომსახურება);
- 1.2. ამ მუხლის 1.1. პუნქტით გათვალისწინებული შესყიდვის ობიექტის CPV კოდია: 80110000 - მომსახურებები სკოლამდელი განათლების სფეროში.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს ----- ლარს დანართი №1-ის შესაბამისად;
- 2.2. ხელშეკრულების ჯამური ღირებულება მოიცავს მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.

3. ანგარიშსწორება

- 3.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში;
- 3.2. ანგარიშსწორება იწარმოებს ორ ეტაპად, გაწეული მომსახურების დამადასტურებელი მიღება-ჩაბარების აქტისა და შესაბამისი საგადასახადო ანგარიშფაქტურის (კანონმდებლობით გათვალისწინებულ შემთხვევაში) საფუძველზე;

- 3.3. ანგარიშსწორება განხორციელდება შესაბამისი დოკუმენტაციის წარმოდგენიდან 10 (ათი) სამუშაო დღეში;
- 3.4. წინასწარი ანგარიშსწორება არ გამოიყენება.

4. მომსახურების გაწევის ვადა და ადგილი

- 4.1. დოკუმენტაციის მიწოდების ადგილი: ქ. რუსთავი, მ. კოსტავას გამზ. № 20;
- 4.2. მომსახურების გაწევის ვადა: ორ ეტაპად, 2021 წლის 31 ივლისის ჩათვლით, კერძოდ:
- 4.2.1. შემოდგომის სეზონის 10 (ათი) დღიური სანიმუშო მენიუ - არაუგვიანეს 2021 წლის 20 ივნისი;
- 4.2.2. გაზაფხულის სეზონის 10 (ათი) დღიური სანიმუშო მენიუ - არაუგვიანეს 2021 წლის 31 ივლისი.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება მოხდება ორ ეტაპად, გაწეული მომსახურების დამადასტურებელი, მხარეებს შორის გაფორმებული, მიღება-ჩაბარების აქტით;
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირ(ებ)ი განისაზღვრება ხელშეკრულების გაფორმების მომენტისათვის.

6. მხარეთა უფლება-მოვალეობები

- 6.1. შემსყიდველი ვალდებულია:
- ა) შეუფერხებლად აუნაზღაუროს მიმწოდებელს გაწეული მომსახურების ღირებულება წინამდებარე ხელშეკრულებით გათვალისწინებული წესის შესაბამისად;
 - ბ) მიმწოდებლის მიერ ხელშეკრულების პირობების არაჯეროვანი შესრულების შემთხვევაში მიმწოდებელთან ერთად ან მის გარეშე შეადგინოს შესაბამისი აქტი და გამოვლენილი ხარვეზის გამოსწორების მიზნით გაწეული ხარჯების ანაზღაურება დააკისროს მიმწოდებელს;
 - გ) დროულად მიიღოს რეაგირებისთვის მიმწოდებლის მიერ გამოგზავნილი ინფორმაცია, ცნობა ან/და წინამდებარე ხელშეკრულებასთან დაკავშირებული სხვა დოკუმენტაცია.
- 6.2. შემსყიდველი უფლებამოსილია:
- ა) ხელშეკრულების მიმდინარეობის ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
 - ბ) არ ჩაიბაროს რაოდენობრივად, ხარისხობრივად ან უფლებრივად ნაკლები მომსახურება.
- 6.3. მიმწოდებელი ვალდებულია:
- ა) მომსახურება განახორციელოს ჯეროვნად, სატენდერო დოკუმენტაციის, სატენდერო დოკუმენტაციის დანართების და წინამდებარე ხელშეკრულების შესაბამისად, საქართველოს კანონმდებლობის დაცვით;
 - ბ) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
 - გ) გონივრულ ვადაში მიაწოდოს შემსყიდველს მისი რეორგანიზაციის, ლიკვიდაციის ან სხვაგვარი მნიშვნელოვანი ცვლილებების შესახებ ინფორმაცია.
- 6.4. მიმწოდებელი უფლებამოსილია:
- ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების დაცვით.

7. ხელშეკრულებით ნაკისრი ვალდებულებების შესრულების კონტროლი

- 7.1. ხელშეკრულებით ნაკისრი ვალდებულებების შესრულების კონტროლს (ინსპექტირება) განახორციელებს გაერთიანების აღრიცხვა-ანგარიშგებისა და ანალიტიკური სამსახური, სამსახურის უფროსის სახით და კვებისა და სანიტარული ნორმების ინსპექტირების განყოფილება, განყოფილების უფროსის სახით;
- 7.2. ინსპექტირების გამწევის ფუნქციებია:
- ა) მიმწოდებლის მიერ გაწეული მომსახურების ხელშეკრულების პირობებთან შესაბამისობის დადგენის მიზნით სათანადო კონტროლისა და ზედამხედველობის განხორციელება,
 - ბ) მიმწოდებელთან ანგარიშსწორების პროცესის რეგულირება,
 - გ) ინსპექტირების გამწევი პირი გამოვლენილ ხარვეზებსა და ნაკლოვანებებს აფიქსირებს ოქმით;

- 7.3. მიმწოდებელი ვალდებულია საკუთარი ხარჯებით უზრუნველყოს ინსპექტირების (მონიტორინგის) შედეგად გამოვლენილი ყველა დეფექტის ან ნაკლის აღმოფხვრა.

8. ხელშეკრულების პირობების შეუსრულებლობა

- 8.1. მხარეთა მიერ ხელშეკრულებით ნაკისრი ვალდებულებების შესრულების ვადის გადაცილებისათვის მხარეს დაეკისრება პირგასამტეხლო ყოველ გადაგადაცილებულ დღეზე ხელშეკრულების ჯამური ღირებულების 0,1%-ს ოდენობით;
- 8.2. დამრღვევი მხარე ვალდებულია მეორე მხარის მოთხოვნიდან 5 (ხუთი) სამუშაო დღის ვადაში გადაიხადოს დაკისრებული პირგასამტეხლო;
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან;
- 8.4. წინამდებარე ხელშეკრულების „8.1.“ პუნქტის საფუძველზე დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია მიმწოდებელს გაწეული მომსახურების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად;
- 8.5. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 1%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 8.6. მიმწოდებლის მიერ ხელშეკრულებით გათვალისწინებული პირობების შეუსრულებლობით ან არაჯეროვანი შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს;
- 8.7. მიმწოდებლის მიერ ხელშეკრულებით გათვალისწინებული ვალდებულებებისა და პირობების შეუსრულებლობით/არაჯეროვანი შესრულებით შემსყიდველისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს;
- 8.8. მიმწოდებლის მიერ ჩადენილი საქართველოს ადმინისტრაციული სამართალდარღვევათა კოდექსით გათვალისწინებული ქმედებისათვის პასუხისმგებლობა ეკისრება მიმწოდებელს.

9. დაუძლეველი ძალა

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებული დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით ურთიერთშეთანხმების საფუძველზე;
- 10.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით;
- 10.3. დაუშვებელია ხელშეკრულების შეცვლა, თუ ამ ცვლილების შედეგად იზრდება ხელშეკრულების ღირებულება ან შემსყიდველი ორგანიზაციისათვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

- 10.5. ხელშეკრულების ერთ-ერთი მხარის მიერ ნაკისრი ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 10.6. მხარე ვალდებულია 10.5. პუნქტით გათვალისწინებული გადაწყვეტილების მიღების განზრახვის შესახებ არანაკლებ 3 (სამი) კალენდარული დღით ადრე წერილობით, ან კომუნიკაციის ელექტრონული საშუალების გამოყენებით აცნობოს მეორე მხარეს;
- 10.7. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. სადაო საკითხების გადაწყვეტა

- 11.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკების საფუძველზე.
- 11.2. შეთანხმების მიუღწევლობის შემთხვევაში დავების გადასაწყვეტად მხარეებს უფლება აქვთ მიმართონ სასამართლოს საქართველოს მოქმედი კანონმდებლობის წესით.

12. ხელშეკრულების მოქმედების ვადა

ხელშეკრულების მოქმედების ვადა განისაზღვრება 2021 წლის --- -----დან, 2021 წლის 31 აგვისტოს ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

შემსყიდველი

მიმწოდებელი